

ТАНИЛЦУУЛГА

*Хүнсний гол нэрийн барааны үнэ,
2012 оны 9-р сарын 19-ний байдлаар*



2012 оны 9-р сарын 19-ний байдлаар гол нэрийн барааны үнийг дүнгээр нь өмнөх сарын дундаж үнэтэй харьцуулахад 3.5 хувь, өмнөх 7 хоногийн дундаж үнэтэй харьцуулахад 1.0 хувиар буурсан байна.

Махны дундаж үнэ: 2012 оны 9-р сарын 19-ний байдлаар өмнөх сарын дундаж үнэтэй харьцуулахад үхрийн махны үнэ 5.3-6.8 хувь, хонины махны үнэ 5.9 хувь, адууны махны үнэ 4.3 хувь, ямааны махны үнэ 2.1 хувиар буурсан байна.

Махны үнийг өмнөх 7 хоногийн үнэтэй харьцуулахад үхрийн махны үнэ 0.8-1.5 хувь, хонины махны үнэ 3.1 хувь, адууны махны үнэ 2.2 хувь, ямааны махны үнэ 1.7 хувиар буурсан байна.

2012 оны 9-р сарын 19-ний байдлаар 1 кг хонины /ястай/ махны үнэ дунджаар 6771 төгрөг, хонины цул мах 7180 төгрөг, үхрийн /ястай/ мах 7314 төгрөг, үхрийн цул мах 8400 төгрөг, ямааны мах 5720 төгрөг, адууны мах 5883 төгрөгийн үнэтэй байлаа (Зураг 1; 2).

Зураг 1. Ястай махны жижиглэн худалдааны дундаж үнэ **Зураг 2.** Цул махны жижиглэн худалдааны дундаж үнэ




Гурилын үнэ: 2012 оны 9-р сарын 19-ний байдлаар гурилын үнийг өмнөх сарын дундаж үнэтэй харьцуулахад савласан дээд гурилын үнэ 0.6 хувиар өссөн бол, өмнөх 7 хоногийн дундаж үнэтэй харьцуулахад тогтвортой байна.

Будаа, элсэн чихрийн дундаж үнэ: 2012 оны 9-р сарын 19-ний байдлаар элсэн чихрийн үнийг өмнөх сарын үнэтэй харьцуулахад 0.5 хувиар өссөн бол, өмнөх 7 хоногийнхтой харьцуулахад тогтвортой байна.

Цагаан будааны үнийг өмнөх сарын дундаж үнэтэй харьцуулахад 0.2 хувь, өмнөх 7 хоногийнхтой харьцуулахад 0.6 хувиар буурсан байна (Зураг 3).

Зураг 3



Төмс, хүнсний ногооны дундаж үнэ: 2012 оны 9-р сарын 19-ний байдлаар төмс, хүнсний ногооны үнийг өмнөх сарын дундаж үнэтэй харьцуулахад төмсний үнэ 22.0 хувь, луувангийн үнэ 44.7 хувь, байцааны үнэ 9.8 хувиар буурсан бол, сонгины үнэ 5.9 хувиар өсчээ.

Өмнөх 7 хоногийн дундаж үнэтэй харьцуулахад төмсний үнэ 2.0 хувь, луувангийн үнэ 4.3 хувиар буурсан бол, сонгины үнэ 3.3 хувиар өссөн байна.

Сүү, өндөг, ургамлын тос, цөцгийн тосны дундаж үнэ: 2012 оны 9-р сарын 19-ний байдлаар өмнөх сарын дундаж үнэтэй харьцуулахад задгай сүүний үнэ 3.3 хувь, 1 литрийн савлагаатай сүүний үнэ 0.1 хувиар өссөн бол, 0.5 литрийн савлагаатай сүүний үнэ 1.0 хувиар буурчээ.

Өмнөх 7 хоногийн дундаж үнэтэй харьцуулахад сүүний үнэ тогтвортой байна.

Ургамлын тосны үнийг өмнөх сарын үнэтэй харьцуулахад 0.3 хувиар буурсан бол, өмнөх 7 хоногийнхтой харьцуулахад тогтвортой байна.

Цөцгийн тосны үнийг өмнөх сарын дундаж үнэтэй болон, өмнөх 7 хоногийнхтой харьцуулахад тогтвортой байна.

Хүнсний гол нэрийн барааны үнэ, аймгаар

Хүнсний гол нэрийн барааны 7 хоногийн үнийн судалгаанд аймгийн төвүүдээс гурил, хонь, ямаа, үхрийн мах, цагаан будаа, шингэн сүү, элсэн чихрийн үнийг судалдаг (Хавсралт хүснэгт 3).

Гурилын үнэ: 2012 оны 9-р сарын 19-ний байдлаар аймгийн төвүүдийн хүнсний зах, дэлгүүрт хэрэглээ ихтэй 1-р зэргийн гурилын үнэ 630-950 төгрөгийн хооронд худалдаалагдсан байна. Гурилын үнийг өмнөх 7 хоногийнхтой харьцуулахад Өмнөговь аймагт 50 төгрөгөөр өссөн бол, Сүхбаатар аймагт 30 төгрөгөөр буурсан байна.

Дорнод аймагт 1-р зэргийн гурилын үнэ хямд буюу 630 төгрөг байхад, Хөвсгөл аймагт 950 төгрөг байгаа нь өндөр үнэ байлаа.

Махны үнэ: 2012 оны 9-р сарын 19-ний байдлаар хонины махны дундаж үнэ өмнөх 7 хоногийнхоос Баян-Өлгий, Увс, Баянхонгор, Дархан-Уул, Дорноговь, Дундговь, Төв, Сүхбаатар, Хэнтий аймагт 150-800 төгрөгөөр буурсан бол, Ховд, Архангай, Дорнод аймагт 200-300 төгрөгөөр өсчээ. Хонины махны үнэ 4500-7200 төгрөгийн хооронд худалдаалагдсан байна. Хонины махны үнэ Ховд аймагт 7200 төгрөг байгаа нь хамгийн өндөр үнэ байгаа бол, Баянхонгор аймагт 4500 төгрөг байгаа нь хамгийн хямд үнэ байв.

Үхрийн махны үнэ өмнөх 7 хоногийнхоос Баян-Өлгий, Говь-Алтай, Сэлэнгэ, Хэнтий аймагт 500-1000 төгрөгөөр буурсан бол, Архангай, Ховд аймагт 200-300 төгрөгөөр өссөн байна. Үхрийн махны үнэ Өвөрхангай аймагт 8000 төгрөг буюу хамгийн өндөр үнэтэй байхад, Увс аймагт 5500 төгрөг байгаа нь хамгийн хямд үнэ байлаа.

Ямааны махны үнэ Баян-Өлгий, Увс, Баянхонгор, Дархан-Уул, Дорноговь, Дорнод, Сүхбаатар, Хэнтий аймагт 200-500 төгрөгөөр буурсан бол, Архангай аймагт 500 төгрөгөөр өссөн байна. Ямааны махны үнэ Баянхонгор, Увс аймагт хамгийн хямд буюу 4000 төгрөг байхад, Өмнөговь, Ховд аймагт 6500 төгрөг буюу хамгийн өндөр үнэ байлаа.

Малын сүүний үнэ: 2012 оны 9-р сарын 19-ний байдлаар малын сүү аймгуудад 600-1800 төгрөгийн хооронд худалдаалагдаж байна. Сүүний үнэ Завхан, Ховд, Булган, Говьсүмбэр, Сэлэнгэ, Сүхбаатар аймагт 100-200 төгрөгөөр өссөн бол, бусад аймагт тогтвортой байв.

Цагаан будаа, элсэн чихрийн үнэ: 2012 оны 9-р сарын 19-ний байдлаар цагаан будааны үнийг өмнөх 7 хоногийнхтой харьцуулахад Увс, Дундговь, Сүхбаатар аймагт 20-100 төгрөгөөр өссөн байна. Аймгуудад цагаан будаа 1 кг нь 1400-2000 төгрөгөөр худалдаалагдсан байна.

Элсэн чихрийн үнийг өмнөх 7 хоногийн үнэтэй харьцуулахад Увс аймагт 100 төгрөгөөр өссөн бол, бусад аймагт тогтвортой байлаа. Аймгуудад элсэн чихэр 1 кг нь 1500-1800 төгрөгийн хооронд худалдаалагдсан байна.